



O alcalde de Nigrán admite que as laxes conmemorativas do escritor Carlos Casares foron destruídas durante a recente reforma do paseo marítimo de Panxón. Deste xeito confírmase o [denunciado por VM.info o pasado mes de xuño](#)

trala advertencia de veciños da zona que sinalaron a desaparición das mesmas do espazo coñecido como “Memorial a Carlos Casares”. Mais non foi o rexedor Alberto Valverde quen comunicara publicamente a desfeita, senón o PSOE a través dun comunicado emitido hoxe no que sinala: “

Ante á pregunta do Grupo Municipal Socialista no pleno do 21 de xullo o Alcalde confirmou a súa destrución

”. Nesa mesma sesión Valverde tería afirmado que as laxes se estaban a reconstruír.

Declaración que tamén tomou estado público polo escrito remitido hoxe aos medios por parte do PSOE, pois as actas dese pleno aínda non están publicadas. A todo isto, os socialistas denuncian que a un mes desas declaracións do alcalde aínda “

non hai rastro das lousas

”.

As placas dedicadas á obra do escritor que residía en Vilariño e cuxos restos descansan no cemiterio de San Fiz dende 2002, estaban espalladas no chan e formaban un conxunto cultural co monólito que lembra a Casares no inicio do paseo. As pezas formaban parte dunha homenaxe do Concello de Nigrán en 2003 durante o mandato do socialista Manuel Rial e sendo o responsable de Cultura, Arturo Carreira.

A agrupación socialista insta agora ao Concello de Nigrán e a Xefatura Provincial de Costas “a *depurar responsabilidades*

”. O edil Juan González (PSOE) sinala que debe saberse quen e como se destruíu ese patrimonio, e esixe “

a súa inmediata reconstrución

Confírmase a destrución das laxes de Carlos Casares en Panxón durante as obras de remodelación.

Escrito por Redaccion @valminorinfo
Venres, 22 Agosto 2014 20:19

”
.